

唐  
音  
統  
籤

戊籤餘四十六

至五十三同卷

唐音統籤卷八百一

黃損字益之連州人積學工詩賦嘗遇鄭都官谷  
與定詩格登梁龍德二年進士第歸自洛京適廣  
州與梁絕乃仕南漢劉龔累官尚書僕射取湖南  
諸路多其策所撰有桂香集

粵志今存詩四篇

公子行

春草綠綿綿驕驂爨煙微風飄樂韻半日醉花  
邊打鵲拋金盞招人舉玉鞭田翁與慈婦平地看  
神仙

讀史

逐鹿走紅塵炎熾火轉新象肥生孝子國霸有餘  
臣帝道雲龍合民心草木春須知煙閣上一半老  
儒真

出山吟

來書初出白雲扃乍躡秋風馬走輕遠近留連分  
岳色別離嗚咽亂泉聲休將巢許爭喧雜自共伊  
臯論太平昨夜細看雲色裏進賢星座甚分明

書壁

東坡云度州布衣賴仙芝言損未老退  
歸一日忽逝去莫知所在子孫畫像事

之凡三十三年乃歸坐昨階上呼家人其  
子不在孫出見之索筆書壁上云云投筆  
而去不可留子歸問其狀貌云  
甚似影堂中人損蓋未嘗滅也

一別人間歲月多歸來人事已銷磨惟有門前鑑

池水春風不改舊時波

與賀知章還鄉詩  
多同此必有偽

句

機關纔運動勝敗便相隨

以下並吟  
恣雜錄

忽遇南遷

客若爲西入心 往來三島近活計一囊空 三

道明主詔一片白雲心 掃地待明月踏花迎野

僧 水諳彭澤潤山憶武陵深 金鐙冷光風宛

轉錦袍紅潤雨霏微 高齊日月方爲道動合乾

坤始是心 傍水野禽通體白 近陽山果半邊紅

零陵總記云淡塘在永州北三十里其水有九十  
九源昔有居人文潭好農務穀乃桑塘以灌田百

姓利之立碑紀其功霸國時碑尚在唐中興初黃損爲永州團練副使以爲別業有詩云

而今世上多離別莫向相思樹下啼

詩話云

古今

樹花圓而紅狀甚佳昔有人北渡于邊其妻追思之泣于樹下而卒因號相思樹損詩蓋取其意也

戊籤餘四十七

徐仲雅其先秦中人徙居長沙事馬氏爲昭顯軍

觀察判官希範開天冊府以爲學士有清才性好

滑稽與李宏臯劉昭禹齊名所業百餘卷行世

雅言

雜今存詩六篇

按諸家小說仲雅或稱爲東野並云天策學士其詩多同考五代

史補馬氏天策府學士共十八人備記官閭姓名止有仲雅而無東野其爲一人似無疑者茲合其

詩爲編而仍注東野名於篇下備考都閣雅談云馬希範作嘉宴堂仲雅獻詩十首時稱冠絕

詩話云仲雅李九章俱善詩徐詩富艷李多用事  
謂徐曰君詩如女人善調脂弄粉徐曰公如鸞冥  
寵但梁疊  
死人物耳

### 咩夫謠

張緒逞風流王衍事輕薄出門逢咩夫顏色必不  
樂肥膚如玉潔力拗絲不拆半日無咩夫此輩忽  
餓殺

### 贈齊已

五代史補  
作徐東野

我唐有僧號齊已未出家時宰相繼爰見夢中逢  
武丁毀形自學無生理骨瘦神清風一襟松老霜  
天鶴病深一言悟得生死海芙蓉吐出琉璃心悶

見有唐風雅缺敲破冰天飛白雪清塞清江却有  
靈遺魂泣對荒郊月格何古天工未生誰知主混  
漉鑿開雞子黃散作純風如膽苦意何新織女星  
機挑白雲真宰夜來調暖律聲聲吹出嫩青春調  
何雅澗底孤松秋雨洒嫦娥月裏學步虛桂風吹  
落玉山下語何竒血潑乾坤龍戰時祖龍跨海日  
方出一鞭風雨萬山飛已公已公道如此浩浩寰  
中如獨自一簾松風冷如水長伴巖岫伸脚睡

贈江處士

玉壺清話云天策學士擅文章名  
者惟東野及李宏皋然詩皆蹇脆

輕艷鉛華歌舞一時尊俎  
閒語獨東野此篇爲可采

門在松陰裏山僧幾度過藥靈丸不大恭妙子無  
多薄霧籠寒徑殘風戀綠蘿金烏兼玉兔年幾柰  
公何

東華觀偃松

零陵魏志云東華觀在邵州城下江寧有松偃亞數枝凡八面

上有一枝中折松在半樹間復生垂下掃  
壘遊人以手扳而撼之則千萬枝皆動東  
野坐事謫居于燕見其魁異賞詭無已因  
爲詩并序畧云搖一枝則萬枝動看一面  
則八面同白犬出其根青羊入其腹漢  
高祖琥珀枕虛黃君茯苓人疑其孕也

半已化爲石有靈通碧湘生逢堯雨露老值漢風  
霜月滴蟾心水龍遺胸骨香鹿于毫末後曾見幾

興亡



咏櫻樹

馬氏亡後仲雅傷于凍餒別行遊聞其名召爲節度判官後杵其意去職

退姑山寺爲此咏

蓋怨行逢而發也

天  
葉似新鶯綠身如亂錦纏任君子度劍意氣自衝

宮詞

內人曉起怯春寒輕揭珠簾看牡丹一把柳絲收  
不得和風搭在玉欄杆

句

屋面盡生人耳朵籬頭多是老翁鬚開平分造

化雙苞去拆破春風兩面開合歡雲路半開千

牡丹

里月洞門斜掩一天春

馬希範夜宴迎西儀夫人

鑿開青帝

春風國移下姮娥夜月樓

馬殷明月關野客叢談

珠璣影

冷偏粘草蘭麝香濃郵損花

五代史馬希範性奢侈作會春園爲費鉅

萬湘湖故事云會春園開宴徐東野作詩有數聯爲當時所稱

山色遠堆羅黛

雨草梢春淺麝香風

衰蘭寂寞含愁綠小杏妖

競弄色紅

旁搜水脉湘心滿遍揭泉根楚底通

水

滴殘青

瘦石脂傾盡白雲空

深浦送

回芳草日急灘牽斷綠楊風

藕槽逆入銀塘裏

蘋迹潛來玉井中

敗菊籬踈臨野渡落梅村冷

隔江楓

剪開淨澗分苗稼劃破漣漪下釣筒

戊籤餘四十八

李宏臯

一名臯一各九臯

唐末八座善夷之子善夷左遷

武陵而沒宏臯因事湖南爲天策學士官至刑部

侍郎後馬氏兄弟結隙見害集二卷

宋志

今存詩一

篇

### 題桃源

山翠參差水渺茫秦人昔在楚封疆當時避世乾坤窄此地安家日月長草色幾經壇杏老岩花猶帶澗桃香他年倘遂平生志來着霞衣侍玉皇  
戊籤餘四十九

劉昭禹字休明婺州人少師林寬爲詩刻苦仕湖

南署天策府學士嚴州刺史集一卷

唐志無宋志有但紀事云

昭禹有詩三百首嘗與人謝詩曰五言如四十箇  
賢人著一字如屠沽不得竟句者若搨得玉合子  
有底必有蓋但精心求之必獲其寶今存詩九篇

### 括蒼山

盡日行方半諸山直下看白雲隨步起危徑極天  
盤蹙負橋形小溪邊店影寒往來太息玄纒改  
非難

### 憶天台山

常記遊靈境道人情不低巖房容偃息天路許相

鶴霞散曙峰外虹生涼瀑西何當塵役了重去  
歸  
猿啼

冬日暮國清寺留題

天台山下寺冬莫景如屏樹密風長在年深像有  
靈高鐘疑到月遠燒欲連星因共真僧話心中舊  
慮寧

靈溪觀

鼇海西邊地宵吟景象寬雲開孤月上瀑噴一山  
寒人異髮常綠草靈秋不乾無由此棲息魂夢在  
長安

懷華山隱者

先生入太華杳杳絕良音  
秋夢有時見孤雲無處尋  
清峰頂立衣冷瀑邊吟  
應笑干名者六街塵土深

贈惠律大師

秋是憶山日禪窓露洒餘  
幾懸華頂夢應寄沃洲  
書風月資吟筆杉篁籠靜居  
滿城誰不重見着紫衣初

經費冠卿舊隱

節高終不起成戀九華山  
聖主情何切孤雲性本

聞名傳中國外墳在亂松間依約曾棲處斜陽鳥  
自還

聞蟬

一雨一番晴山林冷落青暮侵殘日噪正在異鄉  
聽孤館宿漳浦扁舟離洞庭年年當此際那免幾  
凋零

送休公歸衡

草履初登南嶽船銅瓶猶貯北山泉衡陽舊寺春  
歸晚門鎖寒潭幾樹蟬

句

句向夜深得心從天外歸

紀事

危樓聊側耳高柳

又鳴蟬

秋日登樓  
吟窓雜錄

蘚色圍波井花陰上竹樓

以下

見游錄  
遊事

對面雷噴樹當街雨趁人

夏雨

春光懷

玉闕萬里起初程

送人

江上呼風去天邊挂席飛

送人  
舟行

灑燈等黑洞之字上危峰

送人遊  
九疑

戊籤餘五十

廖匡圖字贊禹虔州人文學博瞻爲時輩所服湖

南馬氏辟幕下爲天策府學士與劉昭禹李宏臯

徐仲雅蔡昆韋昉釋虛中齊己俱以文藻知名相

唱和有集行世

唐志無米志有卷又編家集一卷  
三楚新錄云匡圖初自韶陽舉



族奔焉殷部曲隨至者數千人殷以其豪而衆多將拒而不納或諫之因命爲永州刺史具陳南越可取殷命之往擊拔桂管十八城五代史殷開天策府以匡圖等十八人爲學士希範繼立好學善詩文匡圖與徐仲雅等皆得幸然皆浮薄之徒飲博歡呼無所規正匡圖諸書或作光圖匡圖又有止稱圖者意後人避宋祖諱有改也今存詩三篇

九日陪董內召登高

祝融峰下逢嘉節相對那能不愴神煙裏共尋幽  
欄菊樽前俱是異鄉人遙山帶日應連越孤雁來  
時想別秦自古登高盡惆悵茱萸休笑淚盈巾

贈家陵上人

暫把枯藤倚壁根禪堂初剎楚江濱直疑松小難

留鶴未信山低住得雲草接寺橋牛笛近日衝村  
樹鳥行分每來共憶曾遊處萬壑泉聲絕頂聞

和人贈沈彬

冥鴻跡在煙霞上燕雀誇大厦巢名利最爲浮  
世重古今能有幾人拋逼真但使心無着混俗何  
妨手強抄深喜卜居連岳色水邊竹下得論交

句

正悲世上事無限細看水中塵更多  
永州江干感興 曾  
於西晉封中散又向東吳作大夫  
松 兼吟窓雜錄

戊籤餘五十一

廖凝

本名匡凝後人避宋壽去匡字

字熙績圖之弟初歸湖南隱

衡岳後與馬希萼同遷金陵授水部員外郎出爲

建昌令終江州團練副使善吟諷與李建勳爲詩

友相善江左學詩者多造其門集七卷宋志今存詩

三篇

五代史補凝爲人不羈好飲諸嘗覽裴說經杜甫墓詩擬掘孤墳被重教大雅生曰說乃

劫墳賊耶聞者皆笑及在江州盛暑常患體燥以一大罈盛冷水坐其中其簡率如此

中秋月

南郡新書云世以此及聞輝二律爲絕唱

九十日秋色今宵已平分孤光含列宿四面絕纖

雲衆木排踈影寒流疊細紋遙遙望丹桂心緒正

紛紛

聞蟬

聲初應候萬木已西風偏感異鄉客先於離塞  
鴻日斜金谷靜雨過石城空此處不堪聽蕭條千  
古同

彭澤解印

五斗徒勞謾折腰三年兩鬢爲誰焦今朝官滿重  
歸去還挈來樽舊酒瓢

句

滿汀鴨不散一局黑全輸

十歲詠白  
云作者見之日

必番名  
謝開雅談

子

獵回千帳雪探密大河冰

以下並  
忽雜錄

落盡

最高樹始知松栢青

落葉

飯僧春嶺蕨醒酒雪潭

魚

贈史盧白

風清竹閣留僧宿雨濕莎庭放吏衙

宰彭

作

紅躑躅繁金殿暖碧芙蓉集水宮秋

錦繡萬花谷

以籤餘五十二

韋氏朝前人畫景匡圖俱知者詩一卷

宋志

今存一

篇

贈廖處

南齊

君與白雲鄰生涯久恐貧姓名高雅道寰海許何

人岳氣秋來早亭寒果落新幾回吟石畔孤鶴自

相親

戊籤餘五十三

孫光憲字孟文陵州人自號葆光子好學博通經史王衍降唐避地荆南高從誨辟掌書記歷檢校秘書兼御史大夫後高繼沖獻地入宋其謀也詩

文集五十餘卷

宋志有荆臺集四十卷紀通詩十卷擊湖編三卷補齊集二卷通考

止有華洲編今并亡又撰非今詩七篇

光憲在荆

南自負文學以諸侯幕府不足展其才用快快不得志嘗舉劉禹錫一生不得文章力百口空爲飽煖家吟諷自憐宋欲

州爲學士未及而卒

竹枝詞二首

門前春水白蘋花岸上無人小艇斜商女經過江

欲暮故拋殘食飼神鴉

亂繩千結絆人深  
越羅萬丈表長尋  
楊柳在身垂  
意緒藕花落盡見蓮心

楊柳枝詞四首

闌門風暖落花乾  
飛遍江城雪不寒  
獨有晚來臨  
水驛間人多凭赤欄干

有池有榭即濛濛  
漫說翻成長養功  
恰似有人長  
點檢著行排立向春風

根抵雖然傍濁河  
無妨終日近笙歌  
紙鈔金帶誰  
堪比還其黃鶯不較多

萬株枯槁怨亡隋似弔吳臺各自垂好是淮陰明  
月裏酒樓橫笛不勝吹

採蓮

菡萏香蓮十頃陂小姑貪戲採蓮遲晚來弄水船  
頭濕更脫紅裙裹鴨兒

句

曉厨烹淡菜春杼種橦花

和南越詩 尤憲自云  
初不知淡菜何物用之

後牛餘林見而絕倒方知非雅物  
不可用也學琴之流當以斯爲戒



戊籤餘五十四

唐音統籤卷八百二

翁承贊字文堯

一作饒

建安人乾寧二年第進士擢

宏詞科任京兆府叅軍天祐元年以右拾遺受詔

冊王審知爲王梁開平四年復爲閩王冊禮副使

尋擢諫議大夫福建鹽鐵副使就加左散騎常侍

御史大夫留相闕卒詩一卷

唐宋志同

閩南唐雅云詩集宏詞集二

十卷今多佚

又云承贊籍潮清徙居蕭田晚年自號狎鷗翁以壽終

福唐官舍

晨興

晨起竹軒外逍遙清興多  
早涼生戶牖孤月照關河  
旅食甘藜藿歸心憶薜蘿  
一樽如有地放意且

狂歌

題莒潭安園院

禋宗營祀舍幽異勝珠林名士穿雲訪飛禽傍竹  
吟窓含孤岫影牧臥斷霞陰景福滋園壤芳名亘  
古今

天祐元年以右拾遺使冊閩王而作

蓬萊宮闕曉光勻紅紫昇麻降紫宸鸞奏八音諧  
律呂鳳銜五色顯絲綸蕭何相印鈞衡重韓信齋  
壇雨露新得侍丹輝官異寵比身何幸沐恩頻。

奉使封王次宜春驛

微宦淹留鬢已斑  
此心長憶舊林泉  
不因列土封千乘  
爭得銜恩拜二天  
雲斷自宜鄉樹出  
月高猶伴客心懸  
夜來夢到南臺上  
徧看江山勝往年

漢上登舟憶閩

漢臯亭畔起西風  
半挂征帆立向東  
久客自憐歸路近  
笑程不怕酒觴空  
參差鴈陣天初碧  
零落漁家蓼欲紅  
一片歸心隨去棹  
願言指日拜文翁

甲子歲銜命到家  
至榕城冊封次日  
閩王降旌旗於新豐市堤餞別

登庸樓上方停樂  
新市堤邊又舉杯  
正是離情傷

遠別忽聞台旨許重來此時暫與交親好今日還  
將簡冊回爭得長房猶在世縮教地近釣魚臺

奉使封閩王歸京洛

泥緘紫誥御恩光信馬嘶風出洛陽此去願言歸  
梓里預憑魂夢展維桑客程回首瞻文陛驛路乘  
輶憶故鄉指日還家堪自重恩榮畫錦賀封王

文明殿受冊封閩王

龍舞班聽漏聲長竹帛昭勳撲御香鳴佩洞庭辭  
帝主登車故里冊閩王一千年改江山瑞十萬軍  
蒙雨露光吟寄短篇追往事留文功業不尋常

御命歸鄉蒙賜錦衣

九重宣旨下丹墀而對天顏賜錦衣中使擎來三  
殿曉寶箱開處五雲飛德音耳聆君恩重金印腰  
懸已力微更待臨軒陳鼓吹星輶便指故鄉歸

蒙閩王改賜鄉里

鄉名文秀里光賢別向釣台造化權閩閩使因今  
日賞德音兼與後人傳自從受賜身無力向未酬  
恩骨骨鑄歸關路遙心更切不嫌扶病倚旌旛

題景祥院

與徐黃琉璃院  
詩大同小異

一煥掩碧連崔嵬瓶鉢宜偏向此隈農罷樹陰黃

懶臥齋時山下白衣來松都往日門人種路是前  
朝釋子關三卷貝多金粟語可能心煉得成灰

喜弟承檢登科

兩篇佳句敵瓊瑰憐我三清道路開荆璞獻多還  
得售桂堂思在敢輕回花繁不怕等香客榜到應  
傾賀喜杯知爾苦心功業就早攜長策出山來

寄舍弟承裕員外

江花岸草晚萋萋公子王孫思合迷無主園林饒  
採伐忘情鷗鳥恣高低長江月上魚翻鬣荒圃人  
稀懶印蹄何事斜陽再回首休愁離別峴山西

對雨述懷示弟承檢

霏霏霽霽結秋霖欲使秦城歎陸沉曉勢遞回朝  
客馬夜聲滴破旅人心青苔重叠封顏巷白髮蕭  
疎引越吟不有惠連同此景江南歸思幾般深

寄示兒孫

力學燒丹二十年辛勤方得遇真仙便隨羽客歸  
三島旋聽霓裳過九天得路自能酬造化立身何  
必戀林泉予家藥鼎分明在好把仙方次第傳

訪建陽馬驛僧亞齊

瀟瀟風雨建陽溪溪畔維舟訪亞齊一軸新詩劍

潭北十年舊識華山西吟覓情向江村老空性元  
知世路迷應笑乘船青穢客此時無暇聽猿啼

題靈山

井邑斜連北蓬瀛直倚東秋高崑溜白日上海波  
紅

書齋漫興

池塘四五尺深水籬落兩三般  
梨花過客不須頻問姓讀書聲裏是吾家

官事歸來衣雪埋兒童燈火小茅齋人家不必論  
貧富惟有讀書聲最佳



題槐

唐詩曰槐花黃舉子忙故承贊詩云云

雨中粧點望中黃  
勾引蟬聲送夕陽  
憶昔當年隨計吏  
馬蹄終日爲君忙

擢進士

霓旌引上大羅天  
別領新銜意自憐  
蝴蝶流鶯莫先去  
滿城春色屬羣仙

擢探花使

洪崖差遣探花來  
檢點芳叢飲數杯  
深紫濃香三百朵  
明朝爲我一時開

九重燠暖拆槐芽  
自是昇平好物華  
今日始知春

氣味長安虛過四年花

探花時節日偏長恬淡春風稱意忙每到黃昏醉  
歸去紵衣惹得牡丹香

辭闕王歸朝寄倪先輩

時人莫訝再還鄉簡冊分明劍佩光駟馬高車太  
常樂登庸門下憶賢良

題故居

一爲鷺子二蓮花三望青湖四石斜惟有巖湖居  
第五山前却是宰臣家

句

煙蘿况逼神仙窟丹竈還應許獨尋

贈黃璞  
福州志

卷終

戊籤餘五十五

唐音統籤卷八百三

徐寅

或作寅從碑本作寅

字昭夢莆田人中乾寧元年進士

第官秘書正字依王審知幕府歸老延壽溪卒詩

六卷

唐志無宋志探龍釣磯二編共五卷 閩志寅初謁朱全忠謀犯其諱恐不得脫乃作過

太原賦以獻其畧曰千金漢將威精總以神交一

眼胡奴望英風而膽落全忠大喜遺絹五百疋全

忠自言夢見淮陰侯受兵法一眼胡奴指李克用

也後審知禮待簡略拂衣歸隱五代史補以爲

莊宗代梁審知道使入洛莊宗語使徐寅指斥先

帝何以容之使回具言之故審知即日絕寅史

補又云黃滔與寅同事審知一月審知餽滔魚滔

方與寅對談請寅代爲謝賤獲筆而成其略曰

諸斷彙才從羊續懸來列在瑤

盤儼到馮讓食處時人天稱之

五言律詩

昔遊

昔遊紅杏苑今隱刺桐村歲計懸僧債科名負國  
恩不書厥漸穉纒鐮髡無根惟有經邦事年年志  
尚存

北山秋晚

十載衣裘盡臨寒隱薜蘿心閒綠事少身老愛山  
多玉露催收菊金風促剪禾燕秦正戎馬林下好  
婆娑

旅次寓題

胡爲名利役來往老關河白髮隨梳少青山入夢

多途窮鱗抱疾世亂耻登科却起漁舟念春風釣  
綠波

題南寺

久別猿啼寺流年劫逝波舊僧歸塔盡古瓦長松  
多壁蘚昏題記窓螢散薜蘿平生英壯節何放旋  
消磨

題僧壁

香厨流瀑布獨院鏤孤峰紺髮青螺長文茵紫豹  
重卵枯皆化燕窠老却成蜂明月留人宿秋聲夜  
著松

河流

洪流盤砥柱淮濟不同波莫訝清時少都緣曲處  
多遠能通玉塞高復接銀河大禹成門嶮爲龍始  
得過

釣臺

金門誰奉詔碧岸獨垂鈎舊友祇樵叟新交惟野  
鷗嘉名懸日月深谷化陵丘便可招巢父長川好  
飲牛

和人經隋唐間戰處

孤軍前度戰一敗一成功卷旆早歸國臥屍猶骨

蹤鑽骨神明應酬恩感激重仙翁求一卦何日脫  
龍鍾

銀結條冠子

日下徵良匠宮中贈阿嬌瑞蓮開二朶瓊縷織千  
條蟬翼輕輕結花紋細細挑舞時紅袖舉纖影透  
龍綃

酒胡子

紅筵絲竹合用爾作歡娛直指寧偏黨無私絕覲  
覩當歌誰環袖應節漸輕軀恰與真相似璉裘滿  
領鬚



香鴨

不假陶鎔妙誰教羽翼全  
五金池畔質百和口中  
煙鶩鈍魚難啄心空火自燃  
御爐如有闕須進聖  
君前

五言排律

依溫飛卿華清宮二十二韻

地靈蒸水暖天氣待宸遊  
撒拱蓮花秀峰高玉蕊  
秋朝元雕翠閣乞巧繡瓊樓  
碧海供羅嶺黃金絡  
馬頭五王更入帳七貴迭封侯  
夕雨鳴鴛瓦朝陽  
暉柘表伊臯爭負鼎舜禹讓垂旒  
墮珥閒應拾遺

釵醉不收飛煙鳴劍戟殘月照旌旂履朔求衣早  
臨陽解佩羞宮詞裁錦段御筆落銀鈎帝里新豐  
縣長安舊雍州雪衣傳貝葉蟬鬢插山榴對景瞻  
瑤兔昇天駕綵虬此言遊月宮羽書陳北虜玄甲擐犀  
牛聖詰多屯否生靈少怨尤穹旻常有輔帷幄豈  
無籌鳳態傷紅豔鸞輿緩紫駟樹名端正在人欲  
夢魂休識語山傍鬼塵銷隴畔丘重來芳草恨往  
事落花愁五十年鴻業東憑渭水流

東風解凍省試

暖氣飄瀟末凍痕消水中扇冰初覺泮吹海旋成

空入律三春照朝宗萬里通岸分天影濶色照日  
先融波起搖輕綠鱗遊乍躍紅股勤排弱羽飛翥  
趣和風

尚書命題瓦硯

遠向端溪得皆因郢匠成鑿山青靄斷琢石紫花  
輕散墨松香起濡毫藻句清入臺知價重著匣恐  
塵生守黑還全羅臨池早著名春闈攜就處軍幙  
載將行不獨雄文陣兼能助筆耕莫嫌涓滴潤深  
染古今情洗處無瑕玷添時識滿盈蘭亭如見用  
敲爨有金聲

釣絲竹

藿藿拂清流堪維舴艋舟野蟲懸作餌溪月曲爲  
鈎雨潤搖堦長風吹繞指柔若將諸樹比還使綠  
楊羞蠶婦非堯女漁人是子猷湖邊舊栽處長映  
讀書樓

和僕射二十四丈牡丹八韻

帝王城裏看無故亦無新忍摘多緣借移栽未有  
因光陰嫌太促開落一何頻羞殺登牆女饒將解  
佩人蕊堪靈鳳啄香許白龍親素練籠霞曉紅粧  
帶臉春莫辭終夕醉易老少年身買取歸天上寧

救逐世塵

戊籤餘五十五徐夔之二 唐音統籤卷八百四

七言律詩一

公子行

十五轅門學控弦六街騎馬去如煙金多倍着牡  
丹價髮白未知章甫賢有耳不聞經國事拜官方  
買謝恩牋相如謾說凌雲賦四壁何曾有一錢

漢宮新寵

位在嬪妃最上頭笑他長信女悲秋日斜月滿可  
能久花落色衰殊未憂宮主鏡中爭翠羽君王袖  
裏奪金鈎妾家兄弟知多少恰要同時拜列侯

上陽宮詞

點點苔錢上玉墀日斜空望御樓西  
粧臺塵暗青鸞掩宮樹月明黃鳥啼  
庭草可憐分雨露君恩深恨隔雲泥  
銀蟾借與金波路得入重輪伴昇妻

開元卽事

曲江真宰國中訛尋秦漁陽忽荷戈  
堂上有兵天不用幄中無策印空多  
楊國忠昨兼諸使節三十二課印塵驚騎  
透潼關鎖雲護龍遊渭水波未必蛾眉能破國  
千秋恨馬嵬坡

華清宮

芳草間腥半在沙上血殘紅傷魄何爲者五湖垂  
釣翁

追和常建歎王昭君

紅顏如朔雪日燦忽成空淚盡黃沙雨塵消白草  
風君心爭不悔妾恨竟何窮願化南飛燕年年入  
漢宮

贈嚴司直

承家居闕下避世出關東有酒劉伶醉無兒伯道  
窮新新吟閣賞舊業釣臺空雨雪遠相訪心懷與  
我同



贈董先生

壽歲過於百時間到上京餐松雙鬢嫩絕粒四肢  
輕雨雪思中嶽雲霞夢赤城來年期受籙何處待  
先生

贈東方道士

葫蘆窓畔挂是物在其間雪色老人髡桃花童子  
顏祭星秋卜日採藥曉登山鶴放長生鹿時衍瑞  
草還

平崔補闕

近來吾道少慟哭博陵君直節巖前竹孤鳧嶺上

雲縉紳傳確論丞相取遺文廢却中興策何由免  
用軍

弔赤水李先生

三年悲過隙一室類消冰妻病入仙觀子窮隨嶽  
僧荒丘寒有雨古屋夜無燈往日清猶著金門幾  
欲徵

蜀葵

劍門南面樹移向會仙亭錦水饒花豔岷山帶葉  
香香文君慚婉婉神女讓娉婷爛熳紅兼紫飄香入  
繡幃

雞

名參十二屬花入羽毛深守信催朝日能鳴送曉  
陰戔冠裝瑞壁利爪削黃金徒有稻粱感何由報  
德音

白鴿

舉翼凌空碧依人到大邦粉翎棲畫閣雪影拂瓊  
窓振鷺堪爲侶鳴鳩好作雙狎鷗歸未得覩爾憶  
晴江

龜

行止竟何從深溪與古峰青荷巢瑞質綠水返靈

十二瓊樓鑲翠微暮霞遺却六銖衣桐枯丹穴鳳  
何去天在鼎湖龍不歸簾影罷添新翡翠露華猶  
濕舊珠璣君王魂斷驪山路且向蓬瀛伴貴妃

再幸華清宮

腸斷將軍改葬歸錦囊香在憶當時年來却恨相  
思樹春至不生連理枝雪女塚頭瑤草合貴妃池  
裏玉蓮衰霓裳舊曲飛霜殿夢破魂驚絕後期

李翰林

謫下三清第幾班獲調羹鼎侍龍顏吟開瓊闥窺  
天近醉臥金鑾待詔閒舊隱不歸劉備國旅魂長

寄謝公山遺編往簡應飛去散入祥雲瑞日間

聞長安庚子歲事

羽檄交馳觸冕旒  
函關飛入鐵兜鍪  
皇王去國未  
爲恨寰海失君方  
是憂五色大雲凝  
蜀郡幾般妖  
氣撲神州  
唐堯縱禪乾坤位  
不是重華莫漫求

詠懷

愁花變出白髭鬚  
半世辛勤一事無  
道在或期君  
夢想貧來爭柰鬼  
柳榆馬卿自愧長  
嬰疾顏子誰  
憐不是愚  
借取秦宮臺上鏡  
爲時開照漢妖狐

偶吟

千卷長書萬首詩朝蒸藜藿暮烹葵清時名立難  
皆我晚歲途窮亦問誰碧岸釣歸惟獨笑青山耕  
徧亦何爲尋常抖擻懷中策可便降他兩鬢絲

偶書

巧者多爲拙者資良籌第一在乘時市門逐利終  
身飽谷口躬耕盡日饑瓊玖鬻來燕石貴蓬蒿芳  
處楚蘭衰高皇冷笑重瞳客蓋世拔山何所爲

偶題

閒補亡書見廢興偶然前古也填膺秦宮猶自拜  
張祿楚幕不知留范增大道豈全關曆數雄圖強

半屬賢能燕臺財力知多少誰築黃金到九層

寓題

酒壺棋局似閒人竹笏藍衫老此身託客買書重  
得卷愛山移宅近爲鄰燕雀閣上風吹病落葉庭  
中月照貧見說天池波浪濶也應涓滴濺窮鱗

寓題述懷

大道真風早晚存妖訛成俗汗乾坤宣尼旣沒蘇  
張起鳳鳥不來雞鵲喧芻少可能供驥子草多誰  
復訪蘭孫堯庭忘却徵元凱天闕重開十二門

退居

鶴舍松心合在山五侯門館怯趨攀三年臥病不能免一日受恩方得還明月送人沿驛路白雲隨馬入柴關笑他范蠡貪懌甚相罷金多始退閒

閉門

閉却閒門臥竹房更何人與療膏育一生有酒唯知醉四大無根可預量骨冷欲針先覺痛肉頑頻灸不成瘡漳濱伏枕文園渴盜竅縱橫似虎狼

招隱

齒髮鄰能敵歲華早知休去避塵沙鬼神只闕高明里倚伏不干棲隱家陶景豈全輕組綬留侯非



獨愛煙霞贈君吉語堪銘座右看取朝開幕落花

溪隱

將名將利已無緣深隱清溪幾學仙絕却腥羶勝  
服藥斷除杯酒合延年蝸牛殼滿寧同舍榆莢花  
開不是錢鸞鶴久從籠檻閉春風却放紙爲鳶

開窓

閉戶開窓寢又興三更時節也如水長閒便是忘  
機者不出真如結夏僧環堵豈慚蝸作舍布衣寧  
假鶴爲翎蝶薔薇花盡薰風起綠葉空隨滿架藤

酒醒

酒醒欲得適閒情  
騎馬邠勝策杖行  
天暖天寒三月暮  
溪南溪北兩川名  
沙澄淺水魚知釣  
花落平田鶴見耕  
望斷長安故交遠  
來書未說九河清

勸酒

休向尊前愬羽觥  
百壺清酌與君傾  
身同綠樹年年老  
事比紅塵日日生  
六國英雄徒反覆  
九原松柏甚分明  
醉鄉路與乾坤隔  
豈信人間有利名

斷酒

因論沉湎覺前非  
便碎金罍與羽卮  
採茗早馳三蜀使  
看花甘負五侯期  
窓間近火劉伶傳  
坐右新

銘管仲辭此事十年前已說匡廬山下老僧知

夢斷

夢斷紗窓半夜雷別君花落又花開漁陽路遠書  
難寄猶嶽山高月不來玄燕有情巢繡戶靈龜無  
應祝金杯人生若得長相對螢火生煙草化灰

髣髴

鬢添華髮數莖新羅雀門前絕故人減食爲緣疎  
五味不眠非是守庚申深園綠竹齊抽笋古木青  
蛇自脫鱗天地有爐長鑄物濁泥遺塊待陶鈞

綠鬢

綠鬢先生自出林孟光同樂野雲深躬耕爲食古  
人操非織不衣賢者心眼衆豈能分瑞璧舌多瀆  
信爍良金君看黃閣南遷客一過瀧州絕好音

人事

人事飄如一炷煙且湏求佛與求仙豐年甲子春  
無雨良夜庚申夏足眠顏氏豈嫌瓢裡飲孟光非  
取鏡中妍平生計何爲者三逕蒼苔十畝田

龍螫

龍螫蛇蟠却得伸和光何惜且同塵伍員豈是吹  
簫者冀缺非同執耒人神劍觸星應變化良金成

繩在陶鈞穰侯休息關東客張祿先生竟相秦  
休說雄才間代生到頭難與運相爭時通有詔徵  
枚乘世亂無人薦襦衡逐日莫矜駑馬步司晨誰  
要牝雞鳴林中且作煙霞侶塵滿關河未可行

草木

草木無情亦可嗟重開明鏡照無涯菊英空折羅  
含宅榆莢不生原憲家天命豈憑醫藥石世途還  
要辟蟲沙仙翁乞取金盤露洗却蒼鬚華

休說

休說人間有陸沈一樽閒待月明斟時來不怕滄

溟濶道大却憂橫潦深白首釣魚應是分青雲干  
祿已無心梓桐賦罷相如隱誰爲君前永夜吟

嘉運

嘉運良時兩阻脩釣竿蓑笠樂林丘家無寸帛渾  
閒事身似浮雲且自由庭際鳥啼花旋落潭心月  
在水空流晨炊一箸紅銀粒憶着長安索米秋

潤屋

潤屋豐家莫妄求眼看多是與身讐百禽羅得皆  
黃口四皓出居始白頭玉爍火光爭肯變草芳崎  
岸不曾秋朱門粉署何由到空寄新詩謝列侯

驕侈

驕侈沾危儉素牢鏡中形影豈能逃石家恃富身  
還滅顏子非貧道不遭蝙蝠亦能知日月鸞凰那  
肯啄腥臊古今人事惟堪醉好脫霜裘換綠膠

不把魚竿

不把魚竿不灌園策筇吟遶綠蕪村得爭野老眠  
雲樂倍感閩王與善恩鳥趁竹風穿靜戶魚吹煙  
浪噴晴軒何人買我安貧趣百萬黃金未可論

逐臭蒼蠅

逐臭蒼蠅豈有爲清蟬吟露最高竒多藏苟得何

名富飽食嗟來未勝饑窮寂不妨延壽考貪狂總  
待筭毫釐首陽山翠千年在好奠冰壺弔伯夷

嵐似屏風

嵐似屏風草似茵草邊時膾錦花鱗山中宰相陶  
弘景谷口耕夫鄭子真宦達到頭思野逸才多未  
必笑清貧君看東洛平泉宅只有年年百卉春

十里煙籠

十里煙籠一徑分故人迢遞久離羣白雲明月皆  
由我碧水青山可贈君浮世宦名渾似夢半生勤  
苦謾爲文北邙坡上清松下盡是鏘金佩玉墳



古往今來

古往今來恨莫窮，不如沈醉臥春風。  
雀兒無角長穿屋，鸚鵡能言却入籠。  
柳惠豈嫌居下位，朱雲直去捐三公。  
閒思郭令長安宅，草沒匡牆舊事空。

日月無情

日月無情也有情，朝昇夕沒照均平。  
雖催前代英雄死，還促後來賢聖生。  
三尺靈烏金借耀，一輪飛鏡水饒清。  
憑誰築斷東溟路，龍影蟾光免運行。

詠寫真

寫得衰容似十全，閒開僧舍靜時懸。  
瘦于南國從

軍日老却東堂射策年潭底看身寧有異鏡中引  
影更無偏借將前輩真儀比未愧金鑾李謫仙

失題

舊本題作  
鴻門疑誤

耨月耕煙水國春薄徒應笑作農人皇王尚法三  
推禮白社寧忘四體勤雨灑蓑衣芳草暗烏啼雲  
樹小村貧猶勝墮力求殮者五斗低腰走世塵

卷終

戊籤餘五十五徐夔之三 唐音統籤卷八百五

七言律詩二

客廳

移却松筠致客堂淨泥環堵貯荷香  
蘅茅只要免風雨藻稅不須高棟梁  
豐蔀仲尼時演易作歌五子恨雕牆  
燕臺漢閣王侯事青史千年播耿光

茆亭

駕瓦虹梁計已疎織茅編竹稱貧居  
剪平恰似山僧笠掃淨真同道者廬  
秋晚捲簾看過雁月明憑檻數跳魚  
重門公子應相笑四壁風霜老讀書

新葺茅屋

二首

翦竹誅茆就水濱靜中還得保天真只聞神鬼害  
盈滿不見古今爭賤貧樹影便爲廊廡屋草香權  
當綺羅茵堦前一片泓澄水借與汀禽活紫鱗  
耨水耕山息故林壯圖嘉話負前心素絲髻上分  
愁色絡緯床頭和苦吟筆硯不才當付火方書多  
誑罷燒金同年二十八君子遊楚遊秦斷好音

新屋

耳順何爲土木勤叔孫牆屋有前聞縱然一世如  
紅葉猶得十年吟白雲性逸且圖稱野客才難非

敢傲明君清甜數尺沙泉井平與鄰家晝夜分

北園

北園乾葉旋空枝蘭蕙還將衆草衰籠鳥上天猶  
有待病龍興雨豈無期身閒不厭頻來客年老偏  
憐最小兒生事罷求名與利一窓書策是年支

門外閒田數畝長有泉源築直疑分爲兩沼  
左右澄漪小檻前直堤高築古平川十分春水雙  
簷影一片秋空兩月懸前岸好山搖細浪夾門嘉  
橋合晴煙坐來暗起江湖思速問溪翁買釣船

溫陵卽事

早年師友教爲文賣却漁舟網典墳國有安危期  
日諫家無擔石暫從軍非才豈合攀丹桂多病猶  
堪伴白雲爭得千鍾季生粟滄洲歸與故人分

山中寓居

高臥東林最上方水聲山翠剔愁腸白雲送雨籠  
僧閣黃葉隨風入客堂終去四明成大道暫從雙  
鬢許秋霜披緇學佛應無分鶴豎談空亦不妨

東歸題屋壁

塵埃歸去五湖東還是衢門一畝宮舊業旋從征  
賦失故人多逐亂離空因悲盡室如懸磬却擬攜

家學轉蓬見說高宗天上夢無情曾與傅巖通

郊村獨遊

歲閏堪憐曆候遲出門惟與野雲期驚魚擲上綠  
荷芰棲鳥啄餘紅荔枝末路可能長薄命修途應  
合有良時市頭相者休相戲蹙滕先生半自知

東京次新安道中

賊去兵來歲月長野蒿空滿壞牆匡旋從古轍成  
深谷幾見金輿過上陽洛水送年催代謝嵩山擎  
日拂穹蒼殊時異世爲儒者不見文皇與武皇

西華

五千仍有餘神秀一一排雲上  
次寥疊障出關分  
二陝殘岡過水作中條巨靈廟  
破生春草毛女峰  
高入絳霄拜祝金天乞陰德  
爲民求主降神堯

將入城靈口道中作

路上長安惟咫尺瀾陵西望接秦原  
依稀日下分  
天關隱映雲邊是國門錦袖臂鷹  
河北客青桑鳴  
雉渭南村高風九萬程途遠與報滄洲  
欲化鯉

長安述懷

黃河水合尙來遊知命知時肯躁求  
詞賦有名堪  
自負春風落第不曾羞風塵色裏凋  
雙鬢鼙鼓聲



中歷幾州十載公卿早言屈何須課夏更冥搜

義通里寓居卽事

家住寒梅翠嶺東長安時節詠途窮牡丹窠小春  
餘雨楊柳絲疎夏足風愁鬢已還年紀白衰容寧  
藉酒杯紅長卿甚有凌雲作誰與清吟送帝宮

寺中偶題

聽話金仙自相毫每來皆得解塵勞鶴樓雲路看  
方貴僧倚松門見始高名利罷燒心內火雪霜偏  
垢鬢邊毛銀蟾未出金烏在更上晴樓眺海濤

西寨寓居

二首

閒讀南華對酒杯醉攜筇竹畫蒼苔  
爭去陋巷無權客不來解報可能醫  
病雀重燃誰肯煦寒灰  
嚴陵萬古清風在好棹清溪詠釣臺  
功智爭馳淡薄空猶懷忠信擬何從  
鳴鳶啄腐疑雛鳳神鬼欺貧笑伯龍  
烈日不融雙鬢雪病身全伴一枝筇  
崇侯入輔嚴陵退堪憶啼猿萬仞峰

寄僧寓題

佛頂抄經憶惠休衆人皆謂我悠悠  
浮生真箇醉中夢閒事莫添身外愁  
百歲付於花暗落四時隨却水奔流  
安眠靜笑思何報日夜焚修祝郡侯

醉題邑宰南塘屋壁

萬古清淮碧繞環，  
黃河濁浪不相關。  
縣留東道三千客，  
宅鏤南塘一片山。  
草色淨經秋雨綠，  
燒痕寒入曉窻斑。  
聞王美錦求賢製未許，  
陶公解印還

題泗州塔

十年前事已悠哉，  
旋被鐘聲早暮催。  
明月似師生又沒，  
白雲如客去還來。  
煙籠瑞閣僧經靜，  
風打虛窓佛幌開。  
惟有南邊山色在，  
重重依舊上高臺

題名琉璃院

與翁承贊景祥院大同小異

一條溪遶翠巖隈，  
行脚僧言勝五臺。  
農罷樹陰黃

犢臥齋時山下白衣來松因往日門人種路是前  
朝釋子開三卷貝多金粟語可能長誦免輪迴

遊靈隱天竺二寺

丹井冷泉虛易到兩山真界實難名石和雲霧蓮  
華氣月過樓臺桂子清騰踏迴橋巡像設羅穿曲  
洞出龍城更憐童子呼猿去颯颯蕭蕭下樹行

塔院小屋四壁皆是卿相題名因成四韻

鴈塔攬空映九衢每看華宇每踟躕題名盡是文  
衡迹滿壁堪爲宰輔圖鸞鳳豈巢荆棘樹虬龍多  
螫帝王都誰知遠客思歸夢夜夜無船自過湖

題福州天王閣

絕境宜樓獨角仙，金張到此亦忘還。  
三門裏面千層閣，萬井中心一朵山。  
江拘碧灣盤洞府，石排青壁護禪關。  
有時海上看明月，輾出冰輪疊浪閒。

春入鯉湖

到來峭壁白雲齊，載酒春遊渡九溪。  
鐵嶂有樓靈欲墮，石門無鎖路還迷。  
湖頭鯉去轟雷在，樹杪猿呼落日低。  
回首浮生真幻夢，何如斯地傍幽棲。

放榜日

喧喧車馬欲朝天，人探東堂榜已懸。  
萬里便隨金

鷺鷥三台仍借玉連錢

南海相公此時在京蒙借鞍馬人僕

花浮酒

影彤霞爛日照袍光瑞色鮮十二街前樓閣上捲簾誰不看神仙

長安卽事三首

拋擲清溪舊釣鈎長安寒暑再環周便隨鷺羽三  
春化只說蟬聲一度愁掃雪自憐窓紙照上天寧  
愧海槎流明時側待金門詔肯羨班超萬戶侯  
無涵窮愁結自舒飲河求滿不求餘身登霄漢平  
時第家得干戈定後書富貴敢期蘇季子清貧方  
見馬相如明時用卽匡君去不用何妨却釣魚

拖紫腰金不要論，便堪歸隱白雲村。更無名籍強  
金榜，豈有花枝勝杏園。綺席促時皆國器，羽旆飛  
處盡王孫。高眠亦是前賢事，爭報春闈莫大恩。

憶潼關

洞壑雙扉入到初，似從深窅覩高墟。天開白日臨  
軍國，山夾黃河護帝居。隋煬遠遊宜不反，奉春長  
策竟何如。須知皇漢能脩鑄，延得年過四百餘。

憶潼關早行

行客起看仙掌月，落星斜照濁河泥。故山遠處高  
飛雁，去馬鳴時先早雞。關柳不知誰氏種，岳碑猶

見聖君題芻蕘十軸僮三尺豈謂青雲便有梯

憶長安行

舊歷關中憶廢興  
僭奢須戒儉須憑  
火光只是燒秦冢  
賊眼何曾視灞陵  
鐘鼓煎催人自急  
侯王更換恨難勝  
不如坐釣清溪月  
心共寒潭一片澄

憶長安上省年

忽憶關中逐計車  
歷坊騎馬信空虚  
三秋病起見新鴈  
八月夜長思舊居  
宗伯帳前曾獻賦  
相君子下再投書  
如今說着猶堪泣  
兩宿都堂過歲除

憶山中友



憶得當年接善鄰，苦將閒事強夫君。  
關開碧沼分明月，各領青山占白雲。  
近日藥方多繕寫，舊來詩草半燒焚。  
金門幾欲言西上，惆悵關河正用軍。

憶薦福寺南院

憶昔長安落第春，佛宮南院獨遊頻。  
燈前不動惟金像，壁上曾題盡古人。  
鵲鳩聲中雙闕雨，牡丹花際六街塵。  
啼猿溪上將歸去，合問昇平詣秉鈞。

憶舊山

澗竹岩雲有舊期，二年頻長鬢邊絲。  
遊魚不愛金杯水，棲鳥敢求瓊樹枝。  
陶景戀深松檜隱，留侯拋

却帝王師龍爭虎攫皆閒事數疊山光在夢思